

[Type here]

Auglýsing til bæjar- og sveitarstjórna um úthlutun byggðakvóta fiskveiðiársins 2019/2020.

Að gefnu tilefni með vísun til [auglýsingar](#) sem birtist í fjölmiðlum þann 19.10 og á vef ráðuneytisins þann 21.10 þá ítrekar ráðuneytið við bæjar- og sveitarstjórnir að **umsóknarfrestur um byggðakvóta 2019/2020 er til 15. nóvember 2019**. Þær bæjar- og sveitarstjórnir sem ekki hafa þegar sent inn umsóknir til ráðuneytisins eru hvattar til að senda umsóknir bréflega eða með tölvupósti á anr@anr.is. Jafnframt vill ráðuneytið vekja athygli á [leiðbeiningum Fiskistofu um byggðakvóta 2019/2020 um breytta framkvæmd](#).

Texti [auglýsingar](#) ráðuneytisins fylgir hér að neðan:

Með auglýsingu þessari vill ráðuneytið gefa bæjar- og sveitarstjórnnum kost á að sækja um byggðakvóta, fyrir fiskveiðiárið 2019/2020, á grundvelli 10. gr. laga nr. 116/2006, með síðari breytingum. Bæjar-/sveitarstjórnir eru umsóknaraðilar fyrir byggðarlögin innan sveitarstjórnarumdæmanna og annast þær öll samskipti við ráðuneytið, sem nauðsynleg eru vegna úthlutunarinnar.

Umsóknarfrestur um byggðakvóta fiskveiðiársins 2019/2020 er til **15. nóvember 2019**. Umsóknir sem berast eftir þann tíma verða ekki teknar til greina.

Til greina við úthlutun byggðakvóta koma:

1. Minni byggðarlög (**viðmiðun er 2.000 íbúar þann 1. janúar 2019**), sem lent hafa í vanda vegna samdráttar í sjávarútvegi og sem háð eru veiðum og vinnslu á botnfiski. Skal sveitarstjórn gera ráðuneytinu ítarlega grein fyrir vanda byggðarlagsins sem talið er að rekja megi til samdráttar í sjávarútvegi á síðustu árum og fyrir þýðingu veiða og vinnslu botnfisks fyrir það byggðarlag.
2. Byggðarlög sem orðið hafa fyrir óvæntri skerðingu á heildaraflaheimildum fiskiskipa sem gerð hafa verið út og landað afla í viðkomandi byggðarlögum og sem veruleg áhrif hefur haft á atvinnuástand í þeim. Sveitarstjórnir skulu leggja fram gögn, sem sýna fram á að í tilteknu byggðarlagi hafi óvænt skerðing heildaraflaheimilda fiskiskipa sem gerð eru þaðan út og landað hafa þar afla, hafi haft veruleg neikvæð áhrif á atvinnuástand í viðkomandi byggðarlagi.

